



元和郡縣圖志卷第十五

河東道五

澤潞節度使

今為澤潞節度理所

潞州 上黨 大都督府

開元戶六萬四千二百七十六
元和戶一萬七百八十

鄉一百廿三
鄉一百二十

管州五

潞州 澤州 邢州

洺州

磁州 邢

洛本河北道今隸
澤潞節度管五

縣三十七 都管戶二萬六千二百四十三

禹貢冀州之域殷時為黎國春秋時屬晉之兼有潞子之國潞子嬰兒為晉所滅戰國時屬韓別為都以其遠韓近



趙至趙孝成王時馮亭以上黨降趙復為趙地秦為上黨郡地後漢末董卓作亂移理壺關城即今州理是也周武帝建德七年於襄垣縣置潞州上黨郡屬焉開皇十年罷郡自襄垣縣復移潞州于壺關即今州是也州得名因潞子之國武德元年又於襄垣縣置韓州貞觀十七年廢開元七年以元宗歷試嘗在此州置大都督府

州境東西二百九十三里南北三百三十六里西南至上都一千三百三十里南至東都四百九十里北至休三百十里東北至洛州四百五十里東至西往嶺路至相州三百五十里西至晉州三百九十里

東南至潞州一百八十七里西北至沁州二百十里

貢賦開元賦貢人參墨

管縣十 上黨 長子 屯留 潞城 壺關

黎城 銅鞮 御縣 襄垣 涉縣

上黨望郭 開元戶一萬一千三百八十七 御二十二

本漢壺關縣也開皇中分壺關置上黨縣屬潞州釋名曰黨所也在於山上其所最高故曰上黨

雞鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圍壺關起土山于城

西北角穿地道于城西內築界城以遮之
五龍祠在縣東南二十里五龍山上慕容永所立以祭五
方神

馮亭墓在縣西五里

長子縣緊東北至開元戶二萬二百六十六

漢舊縣本春秋時地名左傳曰晉人執衛石買於長子是

也慕容永僭號于此稱西燕為慕容垂所滅開皇九年移

寄氏縣理此屬潞州十八年改寄氏為長子縣

發鳩山在縣西南六十五里濁漳水出焉

羊頭山在縣東五十六里後漢安帝時羌寇河東以任尚

為御史擊破于羊頭山謂之也

神農城後魏風土記曰神農城在羊頭山上山下有神農

泉即神農得嘉穀之所

武訖嶺在縣南四十五里風土記曰秦趙戰于長平趙軍

敗退秦將白起逐至此石曰武訖嶺

北留縣府東南至開元戶八千六百六十六 鄉十七

本晉邑春秋曰晉人執衛行人孫蒯于此苗是也漢以為

縣屬上黨郡高齊省開皇中重置屬潞州

絳水出縣西南方山玄縣八十四里

潞城縣上南至開元戶七千四百六十四 鄉十

本漢潞縣屬上黨郡即春秋時赤狄潞子嬰兒國也晉滅
之後魏大武帝改潞州為劉陵縣屬襄垣郡隋開皇十六
年於此置潞城縣屬潞州

黃泉山在縣西北二十五里劉聰將慕容蔚敗晉將崔兕
于黃泉

漳水一名潞水在縣北嚴駟曰潞水在縣北為吳州浸即
漳水也按王猛與慕容評相樂于潞州評鬻水與軍人猶
足水一石則出無地大川可以為浸所有唯漳水耳故士
俗尚謂濁漳為潞水也

武王塢在縣西北四十里塢東有後魏天柱大將軍爾朱

榮碑文曰建武元年東討逆賊鉅野葛榮軍次上黨武王
祠東有二枚兔從賊方而來天柱亨弓祝之日中則擒葛
榮不中則否應弦而殪遂擒榮

壺關縣府上西北至三十里

本漢縣也屬上黨郡山形如壺故於此置關故名壺關開
皇十六年分壺關置上黨縣大業二年省壺關併入上黨
武德四年重置

羊腸坡在縣東南一百六里沽水出焉

漢壺關三老令狐茂墓在縣東北十九里上書明戾太子
寃者

曹公壘在縣東南一百二里曹公攻高幹所築

黎城縣

中西南至府一百二十里

古黎國春秋曰晉荀林父滅潞立黎

侯而還今縣十八里黎侯城是也漢為潞縣之地後魏太

武改潞縣為剡陵縣開皇十八年改剡陵為黎城縣武德

初屬韓州貞觀十七年廢韓州屬潞州

古壺關在縣東二十五里春秋齊國夏伐晉八邑有孟口

孟口即壺口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣上 史至州本晉大夫羊舌赤邑時號赤曰銅鞮

伯華漢以為縣屬上黨郡開皇十六年改屬沁州大業二

年省沁州復屬潞州武德六年屬韓州貞觀十七年廢韓

州復隸潞州

石梯山在州西三十里

關與城在縣西北二十里史記曰秦昭襄王攻趙關與趙

奢曰其險狹譬如兩鼠鬪于穴中將勇者勝遂破秦軍解

關與之圍

晉銅鞮宮在縣東十五里子產曰今銅鞮之宮數里

斷梁城在縣東北三十里下臨深壑東西北三面阻澗廣

袁二里俗謂之折梁城

叔向墓在縣東十八里

鄉縣中東至府本漢澤氏地屬上黨郡昔始為武鄉縣

屬樂平郡石氏分上黨置武鄉縣屬焉開皇初廢郡縣屬

潞州晉縣元有武氏後草創失其舊名

禿頂山在縣西北九十三里

石曰嶺在縣北六十五里

護申水在縣西北八十里

襄垣縣上南至州本漢舊縣屬上黨郡趙襄子所築因以

為名魏莊帝改屬襄垣郡開皇十六年改襄垣縣置韓州

縣屬潞州十七年廢潞州

鹿臺山在縣南二十里

涅水在縣西北六十里

濁漳水在縣南二十一里

井谷關在縣東南四十里置在天井谷內深邃似井因以

為名魏武初遷鄴于此置關周建德六年廢

涉縣上南至州本漢舊縣屬魏郡因涉河水為名晉屬

廣平郡後省開皇十年於故涉城重置涉縣屬磁州十六

年改屬韓州貞觀十七年廢韓州縣屬潞州

清漳水一名涉河在縣南一里

澤州高平 開元戶二萬二千二百三十五 御五十七
元和戶三千五百二十七 御五十七

禹貢冀州之域春秋時屬晉戰國時屬韓魏後屬趙秦使

白起破趙于長平即今州北高平縣西北二十一里長平

故城是也秦兼天下今州即上黨郡地又為上黨郡長都

縣之地也後魏道武帝置建興郡孝莊帝改置建州周改

建州為澤州蓋取葭澤為名也恒反

州境 東西二百九十里 南北一百五十里

八到 西南至上都一千一百四十里 西南至東都二百八十里

北至潞州一百四十九里 北至太原府大路六百十里

西至絳州四百四十里 東踰山至衛四百十里

元 貢 白石 野雞 人參 野雞 在 其 賦 在 其

晉縣六

晉城 高平 陵川 沁水 陽城 端氏

晉城縣 本漢高都縣屬上黨郡開皇三年改屬澤州

十八年改為興州縣因縣東丹水為名貞觀三年改晉城

縣

太行山在縣南四十里禹貢曰太行恒山至于碣石注曰

二山連延東北接碣石

丹水在縣北十二里司馬山俗傳秦坑趙衆流血丹川故

名丹水斯為不經也

天井故關一名太行關在縣南四十五里太行山上

高平縣上南至州本漢法音氏縣屬上黨郡在法水之上

故以為名後漢改為元氏屬建興郡高齊文宣帝省元

縣自長平高城移高平縣理之仍改高平縣屬高都郡開

皇三年改屬澤州

頭顱山一名白起臺在縣西五里秦坑趙衆收頭顱築金

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬衆于此盡

殺之

長平關在縣北五十一里

陵川縣中西至州一百四十里

本漢法氏縣地開皇十六年于此置陵川縣因水為名屬

澤州

太行山在縣西南一百里

沁水縣中東南至本漢端氏縣地後魏莊帝于此置秦寧

郡及東永安縣高齊省郡而縣存開皇十八年改為沁水

縣

沁水在縣東北五十二里

古王離城在縣東北五十里秦時王離擊趙所築四面絕

險

陽城縣 中東至州一百一十里

本漢護澤縣屬河東郡因護澤為名也改屬澤州天寶元年改為陽城縣

析城在縣西南七十五里

護澤在縣西北十二里墨子曰舜漁于護澤

端氏縣 中南至本漢舊縣也史記曰趙成侯十六年與

韓魏分晉封晉君於端氏肅侯元年奪晉君端氏徙處屯

留漢以為縣屬河東郡晉屬平陽郡後魏屬安平郡開元

三年罷郡屬澤州

石門山在縣西南四十一里

沁水在縣南一里

邢州 鉅鹿

開元戶五萬八千八百二十元

和戶三千六百九十三鄉一百三十三

禹貢冀州之域亦古邢侯之國邢侯為紂三公以忠諫被

誅周成王封周公旦子為邢侯後為狄所滅齊桓公遷邢

于夷儀按故邢國今州城內西南隅小城是也張儀今龍

崗縣界夷儀城是也春秋時屬晉後三家分晉屬趙秦兼

天下於此置信都縣屬鉅鹿郡項羽改曰襄國蓋以趙襄

子謚名也趙歇為趙王張耳為常山王並理信都襄國今

州理龍岫城是也前趙嘉平元年石勒屯兵許昌張賓說

勒曰觀王彌有青州之心遲迴未發者懼明公踵其後也明公獨無拜州之恩乎勒從之遂長驅之鄴攻晉北中即將于三臺張省又進曰三臺險固攻守又卒下王彭祖劉越石大敵也宜及其未至密規進據守城掃定拜薊桓文之業可濟也却刺襄國趙之舊都依山憑險形勝之圖可擇此二邑而都之王業可圖也勒於是進據襄國王浚遣兵五萬人來討勒欲挑戰張賓諫曰夫用兵當以已所便擊彼所不便今段末杯強捍且宣示之以弱擊此墨為突門三十餘道伏精卒候賊列守未定出其不意雷鼓奮勇直衝杯帳杯卒既奔則彭祖可指辰而定也勒從其

計遂生擒末杯永嘉六年勒借號遂定都為五季龍徙都鄴為襄國郡石氏既滅罷之後魏復為襄國縣開皇三年以襄國縣屬洛州九年改為龍崗縣十六年割龍崗等三縣置邢州以邢國為名也大業三年改為襄國郡武德元年改為邢州置總管二年隋嘗建德四年討平之又為劉黑闥所陷五年擒之依舊為邢州

州境東西一百八十二里
南北一百三十六里
八到西至上都一千九百里
西南至東都八百四十里
東北至趙州一百九十里
東至具州二百三十里
西踰山至儀州二百五十里
東南至洛州一百二十里

貢賦

開元 貢 絲布 綿 絹 文石 師子

官縣九

龍崗 堯山 鉅鹿 沙河 平鄉 南和

任縣 內邱 青山

龍崗縣上郭下

古邠國也秦以為信都項羽更名曰襄國漢因不改石勒
僭號據之勒未即前襄國有識曰右在左月在右讓卞言
或入口識者以為有襄國也周武帝改為襄國郡開皇三
年罷郡縣屬洛州九年改為龍岡縣以西北有龍岡曰名
之十六年於此置邠州龍岡縣屬焉皇朝因之

土山在縣東一百五十步晉冉閔攻石祗于襄國為土山
地道于此

石井岡一名龍岡在縣西北七里岡上有井大如車輪石
勒時天旱沙門佛圖澄于此掘得一死龍長尺餘漬之以
水良久乃蘊雨遂大降因名龍岡

夷儀嶺在縣西一百五十七里

夷儀故城在縣西四十里今俗謂之隨宜城蓋語訛也

石勒墓在縣南十五里

堯山縣上西南至本曰栢人春秋時晉邑戰國時屬趙秦
滅趙屬鉅鹿郡漢書曰八年高祖從平城過趙相貫高壁

人相人要之置厠上曰栢人者迫于人者也不宿去後魏
改人為仁開皇三年罷鉅鹿郡屬趙州大業三年改屬邢
州天寶九年改為堯山縣

泫水在縣西一里亦俗名曰脂溝

栢人故城在縣西北十二里

張耳臺在縣西北十二里

鉅鹿縣上西至州一百十九里本漢南采力元縣地開皇六年于此

置鉅鹿縣屬趙州取漢鉅鹿縣之名也武德元年于此置

起州又立白起縣二年陷竇建德四年討平罷起州以縣

屬趙州貞觀元年改屬邢州

大陸澤一名鉅鹿在縣西北上其尚貞曰恒衛既從大陸

既作按澤東西二十里南北三十里葭蘆芡蓮魚蟹之類

充收其中澤畔又有鹹泉煮而成鹽百姓資之

沙河縣上北至州三十五里本漢襄國縣地開皇九年改襄國為龍

峒縣十六年分龍峒于此置沙河縣以沙河在縣南五里

因以為名

黑山在縣西四十里出鐵

磬口山在縣西南九十八里漢魏時舊鐵官也

平鄉縣州上西至九十里本春秋時邢國後為趙地始皇滅趙以

為鉅鹿郡亦大稱也張耳與趙王歇走入鉅鹿城王離圍

之即此地也後魏自平鄉故城移平鄉縣于此理之屬廣平郡開皇三年屬洛州十六年改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築又李充圍靈王於沙丘宮探雀殼食之而死又始皇東巡迴死於沙丘

南和縣縣西南至本漢舊縣屬廣平國後漢屬鉅鹿郡

石趙屬襄國郡周屬南和郡開皇三年屬洛州十六年改

屬邢州

鴛鴦水經縣北五里

張守節在縣西南十二里石勒置師口古沃

任縣上西南至本漢張縣地也在今縣西南渚陽城是

也後漢省趙于此置苑縣石氏廢滅開皇十六年於此置

任縣屬邢州大業三年省武德四年重置張城一名渚陽

城在縣西南二十七里漢張縣也石勒傳晉將主後遣石

季龍盟就六春於渚陽謂此也

內邱縣上南至州古邢國地在漢為中邱縣屬常山郡晉

于此立中邱郡石趙改為趙安縣後魏孝文帝復立中邱

縣隋室諱忠改為內邱開皇三年屬趙州大業二年改屬

邢州

鵲山在縣西三十六里昔扁鵲將號太子遊此山採藥因名

青山縣中東南至州五十里

本漢中邱縣地開皇十六年于此置青山縣屬刑州縣界有青山因名大業二年省縣屬龍騰府武德元年折龍崗內邱兩縣重置屬刑州

黑山一名青山在縣西二十里幽深險絕為逋逃之藪以

周太祖諱黑因改黑山為青山縣取名焉

雷公山在縣西南八里漢末黑山群盜張飛燕等不立君

長直以名號為稱多髯者謂之祗公大聲者謂之雷公時

有雷公賊保此因以為名

洺州高十 元和戶 七萬 七百五十一 御十七

禹貢冀州之域春秋時赤狄之地後屬晉荀林父敗赤狄

於曲梁按曲阜今州理地也七國時屬趙 敬侯始都邯

鄆至幽王遷為秦所滅秦蕪天下是為邯鄲郡地漢帝分

置廣平國自漢至晉或為國或為郡永嘉末胡虜竄號石

勒據有其地石氏滅又屬慕容雋至于暉滅又屬符堅後

慕容垂得山東其地復屬焉周武帝建德六年又郡置洺

州以水為名大業三年罷州為永安郡武德元年又改為

洺州蕪置總管二年陷於竇建德四年討平又為建德舊

將劉黑闥所陷尋討平之六年罷總管復為洺州

州境東西南北一百九十七里

八到西南至上都一千六百二十里

西北至邢州一千二百六十里

東北至貝州一千二百四十里

東南至魏州一千六百四十里

貢賦開元貢綿細練縵

管縣八

永年

鷄澤

洺水

肥鄉

清漳

曲周

臨洺

平恩

永年縣望郭下

本漢曲梁縣屬廣平國後漢屬鉅鹿郡高齊文宣帝省曲

梁置廣年縣開皇三年罷郡屬洺州仁壽元年改廣年為

永年避煬帝諱也

洺水在縣南三里

鷄澤在縣西南十里左傳諸侯同盟於鷄澤今其澤魚鱉

菱芡州境所資

廣頰臺在州城南十里十六國春秋冉閔遇慕容恪于廣

臺十戰皆敗 皇家平劉黑闥壘在縣西南十里洺水南

貞觀四年於壘東置昭福寺碑岑文本祠

鷄澤縣上西南至州五十里

本漢廣平縣地開皇十六年於廣平城置雞澤縣大業二

年省武德四年重置

洛漳二水在縣東南二十五里合流東入平鄉縣界

洛水縣州上西至五十里本漢洛漳縣屬廣平國漳水經其城其

地在鹵故曰洛漳開皇六年以縣西近名河改為洛水屬

洛州

衛漳故續俗名河難渠在縣西二百步蓋魏將李阿難所

導故名

黃塘坡在縣西北十五里晉龍驤將軍劉牢之救符丕追

慕容垂大軍於黃塘泉即此坡也

肥鄉縣州上西北至四十九里本春秋時晉地七國時屬趙今縣即

漢邯鄲縣地魏黃初二年分邯鄲等二縣立肥鄉屬廣平

郡後魏省入臨漳開皇十年又置屬磁州十六年割屬洛

州

肥鄉故城在縣西二十二里

平原君墓在縣東南七里

清漳縣州上西北至七十里本漢列人縣地接列人縣故城在今肥

鄉界開皇十六年于此置清漳縣南濱漳水因以為名屬

洛州

曲州縣州上西南至八十里本漢舊縣屬廣平國酈商為曲周侯漢

屬鉅鹿郡魏屬魏郡後魏宣武帝改置曲安縣屬廣平郡

高齊省開皇六年復置屬洛州大業二年省武德四年於
曲周故城重置

漳水在縣西二十九里 阿難枯梁在縣南十四里

臨洛縣緊東南至本漢易陽縣地屬趙國後魏省入邯鄲

縣開皇十年移邯鄲縣理涉鄉城：在今邯鄲縣界仍于

此中府城別置臨洛縣北瀆洛水因以為名屬礪州大業

三年割屬洛州

狗山在縣西十里山頂石上有狗跡因名武德五年太宗

親總戎計劉黑闥於此立宮

平恩縣上西至州本漢舊縣也屬魏郡宣帝以許廣漢為

平恩侯魏省尋復置開皇三年罷屬洛州

康臺澤在縣東五里

礪州滎陽元和戶一千四十

鄉十三

本漢廣平郡武安縣之地周武帝於此置滎陽縣及成安
郡開皇十年廢郡於縣置礪州以縣西九十里有礪山出

礪石因取為名大業二年廢以縣屬相州 皇朝永泰元

年重置以河東有礪州故此加名也

州境東西一百七十里

八到西南至上都一千五百四十里

西南至東都六百四十五里
南至相州六十五里
止北微東至洛州一百十里

西至潞州三百四十里

貢賦開元 貢 紗 絹 綿

管縣四

滏陽 邯鄲 昭義 武安

滏陽縣望郭

本漢武安縣之地魏黃初三年分武安立臨水縣屬廣平
郡以城臨滏水故曰臨水以城在滏水之陽亦曰滏陽周
武帝於此別置滏陽縣屬成安郡開皇三年廢郡縣屬相
州十年於此置磁州滏陽屬焉大業二年廢磁州縣屬相
州永泰元年重立德州縣又割屬

鼓山亦名滏山在縣西北四十五里滏水出焉泉源舊涌

若滏水之湯故以滏口名之八陁第四曰滏口陁山嶺

高深實為險阨

石季龍墓在縣西南十四里

佛圖澄墓在縣西南十七里

高齊神武陵在縣南三里

邯鄲縣上南至州七十里

本衛地也後屬晉七國時為趙郡趙敬侯立自晉陽始都
邯鄲至幽王遷降秦遂滅趙以為邯鄲郡邯山名也單盡
也城郭從邑故單字加邑魏以為縣屬廣平郡開皇十年

置磁州卽卽縣屬焉大業二年廢磁州縣屬洺州永泰年
重立磁州縣還割屬

卽山在縣東南五里

叢臺在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在縣西南七里

樂毅墓在縣西南十八里

藺相如墓在縣西南二十三里

昭義縣

上東南至本七國時趙地趙將李牧封武安君卽
州五十里魏黃初三年於今滏陽縣置臨水縣北

齊天保元年移理松奎周建武六年廢永泰元年再置
仍改名昭義

武安縣

上東南至本七國時趙地趙將李牧封武安君卽
州九十里

今縣也漢屬魏郡魏屬廣平郡開皇三年屬相州十年割

屬磁州大業二年磁州廢割屬洺州後置磁州又分隸焉

關與山在縣西南五十里趙奢拒秦軍關與卽此山也

洺水西北去縣八十三里

武安故城在縣西南五里六國時趙邑也趙奢之救關與

秦軍鼓譟武安屋瓦皆動卽此城也

元和郡縣志卷之十五終

元和郡縣志卷第十六

河北道一

懷州

魏州

相州

博州

衛州

貝州

澶州

懷州

河內

開元

元

和

戶

八

千

七

今為

河陽

三

城

懷州

節

度

理所

河陽

沁水

溫縣

濟源

河清

等

五縣事

具河南府

禹貢冀州之域覃懷之地周為畿內及衛邢雍三國春秋時屬晉七國時屬韓魏二國秦兼天下滅韓為三川郡滅魏

為河東郡今州為三川郡之北境河東郡之東境楚漢之際項羽立司馬邛為殷王；河內高帝二年邛降以其地為河內郡領縣十八理懷後漢世祖南定河內難其守鄧禹舉寇恂世祖謂恂曰河內殷富吾將因是而起昔高祖留蕭何鎮關中吾今委卿以河內恂遂伐其園之竹理矢百餘萬養馬三千疋收租四百萬斛以給軍事由是東漢之業濟焉晉河內郡移理野王隋開皇三年罷郡置懷州武德二年陷賊其年於河清縣界柏崖城置懷州四年討平王充自相崖城移於今理陽三城
 州境東西二百七十里南北一百十五里

八到

西南至上都一千十里
 西至東都一百五十里
 東至衛州二百六十里
 東南至渡河至鄭州一百九十里
 北至澤州一百四十里

貢賦

開元 元和 貢 貢
 牛 絲 絹 綿
 膝 平 紬 十 疋

管縣五

河內 武陟 武德 脩武 獲嘉
 開元戶一萬八百五十四 鄉二十一

河內縣

望郭下

本春秋時野王邑也左傳曰晉人執晏弱於野王是也漢以為縣屬河內郡隋開皇十三年改為河內縣皇朝因之太行山在縣北二十五里禹貢曰太行恒山至於碣石注曰二山連延東北接碣石

太行陘在縣西北三十里連山中斷曰陘述征記曰太行山首始於河內自河內北至幽州凡有八陘第一曰軹關陘今屬河南府濟源第二太行陘第三白陘陘此三陘今在河內第四滏口陘對鄴西第五井陘第六曰飛狐陘一名望都關第七蒲陰陘此三陘在中山第八軍都陘在幽州太行陘澗三步長四十里

沁水在縣北四里

丹水北去縣七里分溝灌溉百姓資其利焉

濟水經縣西南去縣三十里

新城壘在縣東北九里武德三年劉德成於此置營

武陟縣望西北至州一百里開元戶七千九百九十九 鄉十六

本漢懷縣地開皇十六年分脩武縣置武陟縣理

武德故城今縣東二十里屬殷州皇朝因之貞觀元年省

殷州屬懷州

沁水在縣東一里

故懷城在縣西十一里而漢河內郡並理之晉移郡理野王

故殷城在縣東南十里楚漢之際司馬卬為殷王都在此

武德縣望西至州四十七里開元戶一萬二百六十二 鄉二十

本周司寇蕞忽生之州邑也左傳曰周與鄭人蕞忽生之

田州陘隕懷注曰州今河內州縣是也漢以為州縣屬河

內郡隋開皇十六年改州為邢如縣遙取古邢卽為名也
大業二年改邢卽為安昌縣取安昌侯張為國城為名也
武德二年改為武德縣

太行山在縣北五十里

沁水北去縣二里

安昌故城在縣東十三里即張禹所封國城也

故大斛閤在縣北一百六里太行山上

平臯陂在縣南二十三里多菱蓮蒲葦百姓資其利週迴

二十五里

脩武縣

望西南至州一百二十里

開元戶六千七百十七

鄉十三

本殷之寧邑韓詩外傳曰武王伐紂勒兵於寧改曰脩武
左傳曰昔陽處父聘於衛過寧注云汲郡脩武縣是漢以
為縣屬河南郡周武帝以為脩武郡脩武縣屬修武郡開
皇三年罷郡屬懷州武德初屬殷州貞觀元年省殷州依
舊屬懷州

太行山在縣北四十二里

天門山今謂之百家巖在縣西北三十七里以巖下可容

百家因名上有精舍又有鍛灶處所即嵇康所居也

濁鹿故城在縣東北二十三里魏文帝受禪封漢帝為山

陽公君河內山陽濁鹿城即此城也

禪陵在縣北三十五里獻帝陵也以禪讓名

獲嘉縣 望西南至州一百六十里

開元戶一萬十四

鄉十九

本漢縣也武帝將幸緱氏至汲縣之新中鄉得南越相呂

嘉首因立為獲嘉縣屬河內郡此前獲嘉縣理在今衛

新鄉縣西南十里獲嘉縣故城是也高齊又移於衛州共

城隋自共城移於今理

同盟山在縣東北五里武王伐紂與諸侯同盟於此山

七賢祠在縣西北四十二里嵇阮祠也

魏州

魏郡大

開元戶一萬七千五百七十五

鄉百四十一

都督府 元和戶六千九百二十

今為魏博節度理所

管州六 縣四十三 都管戶墾田

魏州縣

相州縣

博州縣

衛州縣

貝州縣

濱州縣

禹貢兗冀二州之域在夏為觀扈之國春秋時為晉地案

沙麓崩在今元城東南四十里是戰國時為衛魏二國地

秦滅魏置東郡滅趙置邯鄲郡漢高祖使韓信定河北以

秦邯鄲郡之南部東郡之邊縣置魏郡即今元城縣是也

後漢封曹操為魏王理鄴前燕慕容暉都鄴其魏郡並理

於鄴中也於今州理置貴鄉郡尋省周置帝大業二年又

於貴鄉郡東界置魏州隋煬帝大業三年罷州為武陽郡

隋亂陷賊武德四年討平竇建德改置魏州其年又陷劉黑闥五年平黑闥置總管府七年改為都督府貞觀六年

罷都督後為州

州境東一百九十六里

八到西南至上都一千六百里

正東北至貝州二百十里

西至相州二百十里

東南渡河至濮州一百九十里

貢賦開元賦絲綿細平細

貴鄉元城 魏縣 館陶 冠氏 朝城 莘縣 昌樂

貴鄉縣望三下郭下本漢光武縣地後魏孝文帝分置貴

鄉縣屬昌樂郡隋開皇三年罷郡縣屬魏州大業三年改

屬武陽郡 皇朝因之武德初割屬魏州

大河故瀆俗名王莽河西去縣三里

州城前燕慕容暉所築周宣帝於此置州理焉

古堰今名恆山在縣西九里成帝時河決金堤河堤使者

王延世募人蓋運土塞河之處以其恆當人情故謂之恆山

元城縣望三十郭本漢舊縣屬魏郡魏武侯公子元食邑

於此因名魏黃初二年於此置陽平郡高齊省元城縣入
貴鄉隋開皇六年復置貞觀十三年又省入貴鄉聖歷元
年重置開皇十三年移在州東北三百步

沙麓在縣東十二里即春秋經所書沙麓崩漢書以為元
后興之言也

馬陵在縣東南一里齊將孫臏破魏軍殺龐涓於此

五鹿墟在縣東十二里公子重耳乞食於五鹿人野人與
之塊即此處也

王伯孺墓在縣東二百步元后之祖也

東晉墓在縣東二十五里

魏縣望三十一里東本漢舊縣屬魏郡後魏孝文帝分魏

縣置昌樂高齊省魏縣屬昌樂縣隋開皇六年又分昌樂

置魏縣屬魏州皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

狄仁傑祠在縣東南四里為魏州刺史百姓生為之祠

此祠在州城南

館陶縣縣二十五里西本春秋時晉寇氏邑陶印在縣西北

七里爾雅曰再成為陶丘趙時置館於其側因為名縣漢

魏郡魏文帝改屬陽平郡石趙移陽平郡理此周大象二年置屯州以近屯河為名隋大業二年廢屯州以屬魏州

大河故瀆俗名曰王莽河在縣東四里

屯氏河俗名屯河在縣西二里

白溝水本名白渠隋煬帝道為永濟渠亦名御河西去

縣十里

寇氏縣縣二十里西至州六十里本漢館陶縣地隋開皇六年分館陶

東界置寇氏縣因古寇氏邑為名屬毛州隋大業三年廢

毛州縣屬魏州

王莽河北去縣十八里

冉仲弓墓在縣北二十五里

朝城縣縣三十里西北至州一百里本漢東武陽郡在武水之陽故曰武

陽其後為縣屬魏郡開皇十六年屬莘州大業二年廢莘

州屬魏郡貞觀十七年廢永昌元年置改名武聖開元七

年改為朝城

武河在縣東十步

黃河在縣東二十九里

武陽臺在縣西南一里

扁鵲墓在縣羅城西北隅

莘縣上二十一西至州一百里本衛地漢為陽平縣屬東郡魏改屬陽

平郡隋開皇六年又於樂平故城置陽平縣屬魏州八年改清平為清邑縣大業二年改為莘縣因縣北古莘亭為名皇朝因之

莘亭在縣北十三里傳曰衛宣公使太子伋之齊使盜侍諸莘將殺之二子伋壽爭相為死即此地也

昌樂縣

望二十四北至州五十里

本漢舊縣屬東郡後漢省後魏孝文

帝於漢舊昌樂城置昌樂郡又昌樂縣周武帝改屬魏郡隋罷郡改屬魏州皇朝因之

王莽河去縣西十六里

相州

望

鄴郡

元和戶

開元戶七萬八千

鄉一百五十一
二十九

禹貢冀州之域又為殷盤唐所都曰殷墟項羽與章邯盟於洹水南殷墟是也春秋時屬晉戰國時屬魏文侯使西門豹守鄴是也秦兼天下為上黨邯鄲二郡之地漢高帝分置魏郡理鄴後漢末冀州理之韓馥為冀州牧居鄴其後袁紹曹操因之建安十七年冊命操為魏公居鄴黃初二年以廣平陽平魏三郡為三魏長安譙許鄴洛陽為五都石季龍自襄國徙都之仍改太守為魏尹慕容暉平冉閔又自薊徙都之仍置司隸校尉符堅平鄴以王猛為冀州牧鎮鄴後魏孝文於鄴立相州初孝文幸鄴訪立州名尚書崔光對曰昔河亶甲居相聖王天命所相宜曰相州

孝文從之蓋取內黃東南故殷王河亶甲虛相所築之城為名也至東魏孝靜帝又都鄴城高齊受禪仍都於鄴攷魏尹為清都戶周武帝平齊復改為相州大象二年自故鄴城移相州於安陽城即今州理是也隋大業三年改相州為魏郡武德元年復為相州後或為總管或為都督

州境東西二百十四里
南北一百六十九里
西南至上都一千四百四十里
西南至東都六百八十里
八到

北至磁州六十五里
東北至磁州一百八十里
東取臨洛縣北至邢州二百六十五里
東至魏州二百五十里
西至潞州三百五十里
東南至滑州一百三十里

貢賦開元 貢 紗 胡粉 知母 鳳 扇

管縣十

安陽 鄆縣 成安 內黃 堯城

洹水 臨漳 臨河 湯陰 林慮

安陽縣縣郭下五本七國時魏寧新中邑秦昭襄王拔之改名安陽漢初廢以其地屬湯陰縣晉於今理西南三里置安陽縣屬魏郡後魏并入湯陰隋開皇十年置安陽縣屬相州皇朝因之

韓陵山在縣東北十五里東魏丞相高歡破爾朱兆第於此山

洹水西南自林慮縣界流入

鄴縣紫二南五州本漢舊縣屬魏郡晉以懷帝諱改鄴為臨

漳縣石季龍徙都之復改為鄴縣冉閔及慕容暉洹東魏

高齊並都於此其縣名直至隋氏不改皇朝因之

濁漳水在縣北五里西門豹為鄴令引漳水以富魏之河

內後史起為鄴令又引漳水溉鄴人歌之曰鄴有賢令號

為史公決漳水分滙鄴旁終古馮鹵生稻梁今天下井堰

即其遺址也

故鄴城縣東五十步本春秋時齊桓公所築也自漢至高

齊魏郡鄴縣並理之今案魏武帝受封於此至文帝受禪

呼為此郡都

西門豹祠在縣西十五里

魏武帝西陵在縣西三十里

咸安縣

上四

西南至州一百五十里

本漢丘邱縣地屬魏郡上

地丘鹵故曰丘邱陵其地盡屬鄴縣高齊文宣帝分鄴縣

置咸安縣屬清都尹周平齊屬魏郡隋開皇三年改屬相

州皇朝因之

濁漳水西自滏陽縣界流入

丘邱故城在縣東南三十里本春秋時乾侯邑漢以為丘

丘縣左傳曰公如晉次於乾侯

內黃縣紫三至州西北八十里本漢舊縣屬魏郡以河北為河內南為外故此有內黃陳留有外黃後魏省隋開皇六年重置內

黃縣屬相州武德二年於黎陽縣置黎州縣屬焉貞觀十七年廢州縣屬相州

湯水南去縣七里

黃澤在縣西北五里

故殷城在縣東南十三里殷王河亶甲居相築此城

永濟渠本名白渠隋煬帝尊為永濟渠一名御河北去

縣二百步

堯城縣上西至州四十里本漢內黃縣地晉於此置長樂縣高齊

省長樂入臨漳縣隋開皇十年分臨漳洹水二縣於此重

置長樂縣十八年改為堯城因所理堯城為名也

洹水在縣北四里

丹朱墓在縣東一里

洹水縣上三西南至州一百二十里本漢內黃縣地晉於此置

長樂縣屬魏郡後魏省葦文復置長樂縣高齊省入之臨漳

縣周武分臨漳置洹水縣因以水為名屬魏郡隋開皇三

年割屬相州皇朝因之

洹水西自堯城縣界流入

鷓鴣陂在縣西南五里週迴八十里蒲魚之利此境所資

永濟渠西去縣二里

臨漳縣

上西

西南至州六十里

本漢鄴縣地東魏孝靜帝分鄴

縣之地于鄴

中置臨漳縣

周武帝平齊自鄴城移臨漳

縣於今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金渠水

為池作遊賞處

鸕鷀陂在縣東南三十里與洹水縣同利

袁紹墓在縣西北十六里

臨河縣

上二

西北至州一百二十里

本漢黎陽縣地隋開皇六

年分置臨河縣屬衛州其城本春秋時衛築新城十六年

改屬黎州大業二年又改屬衛州武德二年重置黎州縣

屬貞觀十七年廢黎州以縣屬相州

黃河南去縣五里

湯陰縣

上二

北至州四十里

本七國時魏湯殷陰邑也漢以為縣

居河內郡縣有蕩水自取名焉晉屬魏郡後魏省隋開皇

六年重置蕩陰縣屬桓州十六年改屬黎州武德四年分

安陽置蕩源縣屬衛州六年改屬相州貞觀元年改為

湯陰從漢舊名也

蕩水西去縣三十五里

牖里一名羨城在縣北九里紂拘西伯之所也

林慮縣上一東至州一百一十里本漢舊縣屬河內郡以隆慮山在北因為名後避煬帝諱改曰林慮屬朝歌郡晉屬汲郡後魏太武帝省入鄴縣文帝立復屬魏郡周武帝置林慮郡隋開皇三年罷郡縣屬相州武德二年又置巖州五年廢縣又屬相州

林慮山在縣西二十里山多鐵縣有鐵官南接太行山北

道連恒岳慮音

博州博平開元戶三萬七千四百七十元祐戶二千四百三十

鄉七十四 鄉一十五

禹貢冀州之域春秋時齊之西界聊攝地也戰國時為齊地秦兼天下今州即秦東郡地也在漢為東郡聊城縣之

地後魏明元帝於此置平原鎮孝文罷鎮置平原郡葛榮之據冀州也又於今理置冀州尋廢孝武帝復置平原郡隋開皇三年置郡十六年於今理置博州大業二年省隋亂守文化及弒逆自江都舉兵至此竇建德攻陷其城化及復自據武德四年討平竇建德重置博州

州境東一百五十七里 西一百六十六里 南一百七十里 北一百九十里

八到西南至上都九百三十里 西南至魏州一百八十里 西北至貝州一百九十里 東北至德州一百六十里 東渡河至鄆州一百八十里 東渡河至齊州二百九十里

貢賦開元

賦貢 平細十四 綿絹

管縣六

聊城 武水 堂邑 清平 博平 高唐

聊城縣

郭下本春秋時聊攝地晏子對景公曰聊攝

以東其人多矣漢以為縣屬東郡晉屬平原郡高齊改屬

濟州隋開皇三年改屬冀州十六年置博州縣屬焉

黃河南去縣四十三里

荏平故城在縣東五十三里在荏山之平地石勒之賤也

賣在荏平人師歆家為奴

四口故閔在縣東南八十里隋於此置

武水縣

上八里 東北至州六十里 本漢陽平縣地屬東郡隋開皇

八年改陽平為清邑縣十六年分清邑置武水縣屬莘州

即今博州武水縣理是也在武水溝之南因名之大業三年廢莘州改

屬魏州貞觀元年改屬博州

黃河南去縣二十二里

堂邑縣

上二里 東至州六十里 本漢清縣發十三縣之地屬東郡

隋開皇六年於此置堂邑縣屬毛州因縣西堂邑故城為

名大業二年改屬魏州武德四年又屬毛州貞觀元年廢

毛州改屬博州

樂平故城本漢清縣在縣東三十里後趙錄曰東海王使

征東將軍苟晞擊波桑石勒與晞相持戰於平原陽平

間為晞所敗桑奔樂平

堂邑故城在縣西北二十七里高帝五年陳嬰為堂邑侯

嬰孫午繼封尚館陶公王

清平縣上二東南至州八十里本漢清陽縣地屬清河郡隋開

皇六年自今貝州清河縣界移貝邱縣於今理屬貝州十

六年改貝邱為清平縣屬博州大業二年省博州改屬貝

州隋亂廢武德四年重屬博州

博平縣上二西南至州七十里本齊之博陵邑也史記曰齊威

王伐晉博陵是也漢以為縣屬東郡晉屬平原國隋開皇

三年改屬毛州十六年改屬博州

故攝城在縣西南二十里晏子曰聊攝以東其為人多矣

即此縣也

高唐縣上二西南至州一百十里本齊邑春秋夙沙衛奔高唐

以叛史記齊威王曰各侯有盼子者使守高唐趙人不敢

東漁於河漢以為縣屬平原郡後魏屬濟州高齊改屬平原

郡隋開皇十六年改屬博州皇朝因之長壽二年改為崇

武縣神龍二年復舊名

黃河在縣東四十五里

華歌墓在縣東二十里

衛州望

開元戶三萬六百六十六
元和戶二千七百七十七

鄉六十七
鄉十九

禹貢冀州之域後為殷都在今州東北七十三里衛縣北
 界朝歌故城也今州理即殷牧野之地周武王滅殷分其
 畿內為三國詩國風邶鄘衛是也邶封紂子武庚鄘管叔
 尹之衛蔡叔尹之以監殷人謂之三監武王崩三監及淮
 夷叛成王既伐管叔蔡叔以殷封康叔為衛侯今郡及衛
 郡之黎陽河內之野王朝歌皆衛之分其後十五葉懿公
 為翟所滅

更封于楚邱今滑州衛南縣是也河內殷墟更屬於晉後
 又屬齊戰國時屬魏秦屬河東郡在漢為汲縣屬河內郡
 魏黃初中置朝歌郡屬冀州晉武帝改朝歌為汲郡仍屬

冀州後魏孝靜帝移汲郡理枋頭城今在衛縣界又於汲
 縣置義州以處歸附之人周武帝改義州為衛州隋大業
 三年改為汲郡武德元年又改為衛州二年隋竇建德四

年討平仍舊名焉

州境東西一百三十六里
 南北一百四十一里

八到西南至上都一千二百五十里
 西南至東都三百九十里

東至相州一百九十里
 東渡河至滑州一百十五里

正南渡河至鄭州二百六十里
 正南渡河至鄴州二百三十里

東北至澶州二百五十里
 西北至澤州陵山縣二百四十里

貢賦開元賦絹綿

管縣五 汲縣 新鄉 衛縣 共城 黎陽

汲縣縣下本漢舊縣屬河內郡後魏於此置義州及伍城

郡伍城縣周改義州為衛州伍城縣屬衛州隋開皇六年

改伍城縣為汲州大業三年改屬汲郡武德元年重置義

州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津亦謂

之石津濟左傳云晉伐曹在衛東假道於衛人不

肯還曰南津是也宋元嘉中遣宣威將軍垣護之以水軍

守石濟亦是此處也 比干墓及廟在縣北十里

太公廟在縣西北二十五里太公即河內汲人也

新鄉縣縣十九本漢獲嘉縣汲縣二縣地隋開

皇六年於兩縣地新樂城中置新鄉縣屬衛州武德四年

屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將

幸於汲新中鄉得呂嘉首以為獲嘉縣

衛縣縣十九西南至州六十八里本漢朝歌縣屬河內魏黃初中

朝歌縣又屬朝歌郡晉武帝改為汲郡隋開皇六年罷郡

縣屬魏州大業二年改朝歌為衛縣屬汲皇朝因之

黑山在縣北五十五里漢文時固曰統等起黑山聚衆十餘萬號黑山賊

蘓門山在縣西北十一里孫登所隱阮藉嵇康所造之處延津在縣西二十六里魏曹公遣于禁度河守延津即此地也枋頭故城在縣東一里建安九年魏武在淇水口下大方木為堰遏淇水令入白渠以開運漕故號其處為枋頭晉太和四年桓溫北伐慕容暉時亢旱水道不通乃鑿鉅野三百餘里以通舟運自清水入河暉將慕容垂率衆八萬來拒溫大破之遂至枋頭軍糧竭盡溫焚舟步退垂以八千騎追溫戰敗于襄邑亦謂此也後符氏寇鄴攻枋頭為

昌永縣十六國春秋曰晉劉曜之殺符丕慕容垂率師至枋頭以拒之知晉軍盛乃退後魏嘗移汲郡理此陽河水出縣西北平地即紂新朝涉之脰處

朝歌故城在縣西二十一里殷之故都也

鹿臺在縣西殷紂營之七年乃成高三里高十尺

共城縣上二東南至州六十二里本周共伯國厲王無道流崩

於此共伯秦王子靖立為宣王共伯復歸于國漢以為縣

屬河內郡晉屬汲郡高齊省隋開皇四年加城字于此置

共城縣屬衛州皇朝因之

白鹿山在縣西五十四里

天門在縣西五十里

淇水源出縣西北沮洳山

故凡城在縣西二十里古凡伯國也

百門陂在縣西北五里方五伯許步百姓引以溉稻田此

米明白香潔異於他稻魏齊以來常以薦御陂南通漳水

黎陽縣

上二

西南至州一百二十里

古黎侯國漢為黎陽縣在

黎陽山北屬魏郡漢屬黎陽郡隋開皇三年屬衛州十六

年又屬黎州大業二年省黎州縣屬衛州 皇朝武德

二年重置黎州縣屬馬貞觀十七年黎州廢復屬衛州

大石山南去縣七里即黎山也尚書云東過洛汭至于大

任注曰山再成曰任

枉人山在縣西北四十二里或言紂殷比十於此

黎陽鎮故城在縣東南一里古翟遼城也翟遼於此僭號

皇朝改曰白馬鎮

表譚故城在縣西南一百步

曹公故城在縣西南一里是曹公攻譚時所築

白馬故關在縣東一里五步酈食其說高祖曰北白馬之

津即此處也後更名黎陽津慕容德自鄴將徙滑臺至黎

陽津風飄船渡魏軍垂至三軍色懼昏而水合是夜濟訖

旦而魏軍至水亦消泮德大悅改黎陽津為天橋津高齊

文襄征潁城仍移石濟閘於此即造橋焉改名白馬閘周
又改名蔡陽閘

貝州 清河 開元戶八萬四千四百 鄉一百七十七
元社戶二萬一百二 鄉三十五

禹貢冀州之域春秋時其地屬晉七國時屬趙秦蕪天下

以為鉅鹿郡漢文又分鉅鹿置清河郡以郡臨清河水故

號清河後漢以為清河國周武帝建德六年濟於此置貝

州因立以為名隋大業三年又為清河郡隋末隋賊武德

四年計平定實建德復置貝州

州境東西二百四十九里

八到 西南至上都一百八十二里
東南至上都一百九十里
西北至東都九百六十里

南至魏州一百十里
正東微北至德州二百三十里
北至冀州二百十里
東至博州一百九十里
西至邢州二百二十里

貢賦 開元 賦 絳 緜 絹 綸

管縣十 清河 清陽 歷亭 東武城 宗城
經城 漳南 臨清 夏津 永濟

清河縣 縣下 本漢信成縣地屬清河郡後漢省信成縣置

清河縣至隋不改皇朝因之

故末極城在縣東北五十里十六國春秋曰鮮卑段末極

自稱遼西今於此築城與石勒相持因為名

永濟渠東南去縣十里

清陽縣縣四本漢舊縣也屬清河郡後漢省青陽縣其地
屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣上三州一百里西南本漢東陽縣地屬清河郡後漢省東

陽縣其地屬鄒縣鄒音開皇十六年於此置歷亭縣遂取

漢歷縣為名皇朝因之

東陽故城在縣西十八里漢高祖以張相如為東陽侯

東武城縣上二西南至州四十二里本七國時趙邑也史記趙平原君

勝封東武城即此地也蓋以定襄有武城同屬趙故此加

東字以辨之屬新河郡隋開皇三年改屬貝州皇朝因之

自後魏以來山東貴族清河諸崔即此邑人也為天下甲

族

宗城縣至五州東北本後漢章帝分立廣宗縣屬鉅鹿郡

後魏改屬廣宗郡隋開皇三年改屬貝州仁壽元年改宗

城縣皇朝因之

張甲河在縣南二十五里

漳水東去縣二十七里

經城縣上四東至州六十里本後漢分前漢堂陽縣於今縣西北二

十里置經城縣後魏省併入南宮縣孝文又于今理置經

城縣又置廣宗郡高齊省郡及縣仍置武強縣于此隋開

皇六年移武強縣于此置經城屬貝州皇朝因之

張甲枯河東去縣十里

漳南縣上二西南至本漢東陽縣之地隋開皇六年置

東陽縣屬德州取漢東陽之名十六年改屬貝州十八年

改為漳南縣以漳水在縣北故名皇朝因之

永濟渠在縣東五十里

漳水在縣北四十六里

臨清縣縣五東北本漢清泉縣地後魏孝文于此置臨

清縣屬魏郡高齊省隋開皇六年復置臨清州屬貝州皇

朝因之

貝邱城在縣東南五十里漢貝邱城縣也城內有邱高五

丈周迴六十八步城因此為名春秋公田于貝邱是齊州

地與此異也

永濟渠在縣城西門外

夏津縣上二西北本漢鄒縣也呂他桑布皆為鄒侯田

蚡奉邑亦在鄒屬清河郡隋大業三年改屬貝州天寶元

年改為夏津縣

也氏河在縣北

永濟縣縣一北至本漢貝邱縣地臨清縣之南偏大歷

七年田承嗣奏於張橋行市置西井永濟渠故以為名

永濟渠在縣西郭內濶一百七十尺深二丈四尺南自汲
郡引清渠二水東北入白溝穿此縣入臨清案漢武時河
決館陶分為屯氏河東北經貝州冀州而入渤海此渠蓋
屯氏古瀆隋氏修之因名永濟

澧州上頓邱

元和戶三千一百六十九

鄉十七

本漢頓邱縣地武德四年分魏州之頓邱觀城二縣於今
理置澧州因澧水為名又分置澧水縣貞觀元年廢澧州
以澧水縣屬魏州分衛州黎陽縣理是大歷七年魏博節
度使田承嗣又奏置澧州
州境東西一百二十九里
南北七十里

八到

西南至上都一千五百里
西南至東都六百三十里
西南至衛州二百五十里
西南至魏州一百一十里
西南至濮州一百一十里
西南至范縣一百一十里
西南至黃河七十里
西南至相州八十里
西南至魏州九十四里
西南至開元賦統綿絹粟

管縣四 頓邱 臨黃 觀城 清豐

頓邱縣望郭本漢舊縣因縣東北頓邱以為名屬東郡晉
屬頓邱郡隋魏郡武德初割屬澧州州廢還屬魏州大歷
初改屬澧州

秋山在縣西北三十五里

黃河在縣南三十五里

顓頊陵縣西北三十五里

帝營陵縣北三十里

衛康叔墓縣東北九十里

臨黃縣

上西至州六十七里

本漢觀縣地後漢改觀縣為衛縣後魏

孝文帝分衛縣置臨黃縣以北臨黃河因以為名屬頓邱

郡隋改屬魏郡武德初割屬澶州廢還屬魏州大歷初

又割屬澶州

黃河南太縣三十三里

盧津關今古高陵津縣東南三十五里

魏良賢墓縣十五里貞觀七年追贈定州刺史即徵父也

觀城縣緊西至州二十四里漢觀縣右之觀國左傳曰虞有三苗夏

有觀國國語注曰觀國夏啟子太康之第五弟所封也在

衛縣夏衰滅之漢以為縣屬東郡後漢改觀縣為衛國縣

屬東郡隋開皇六年改衛國縣為觀城縣屬衛州武德四

年以觀城屬澶州廢還屬魏州大歷初隸澶州

衛靈公墓縣東南四十二里

清豐縣

上東至州二十五里

本漢內黃縣地大歷七年於清豐店置

因以為縣

黃河在縣南五十里

元和郡縣志卷十六終

元和郡縣志卷第十七

河北道二

恒冀節度使

恒州

常山大開元戶四萬二千六百九十四
都督府元和戶一萬七千五百八十

鄉八十七
鄉七十

今為恒冀節度理所

管州六 縣四十五

都管戶六萬二千六百四

恒州十縣

冀州九縣

深州四縣

趙州八縣

德州七縣

棗州五縣

禹貢冀州之城周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下并陘擊破

陳餘趙王歇以鉅鹿之北境置恒山郡因恒山為名後避
文帝諱改曰常山兩漢恒山太守皆理於元氏晉理於之真
定即今常山故城是也後魏道武帝登恒山郡城北望安
樂壘嘉其美名遂移郡理之即今州理是也周武帝於此
置恒山隋煬帝大業九年罷州以管縣屬高陽郡武德元
年重為恒州三年陷賊四年討平竇建德仍舊焉

州境東西二百十里
南北二百七十里

八到

西南至上都一千九百九十里
西南至東都一千一百三十里
西取太原路至上都一千七百六十里
東北至定州一百二十里
東南至藁城縣六十里

從藁城北至定州一百二十里

東南至深州一百八十里

西取井陘路至太原府五百里
西北取五臺山路至代州五百三十里

貢賦

開元貢羅綿絹

管縣十

真定 藁城 九門

井陘 獲鹿 石邑

真定縣

望都下本名東垣屬中山國以河東有垣縣故此

加東字高帝十一年代相陳稀反帝自攻拔之改曰真定

屬恒山郡武帝改為真定國後漢復為縣屬常山郡後燕

慕容垂都之後徙理盧奴開皇三年真定改屬恒州皇朝

因之

滌水北去縣三十里

溇洳河南去縣一里

故棗城即古之捷帥也縣北二十里後漢建武九年賈復

破青犢於射大戟於真定之捷帥大破之即此地也

高城縣至州十三里西北本漢舊縣元鼎四年置屬真定國

後漢改屬鉅鹿郡晉省後魏重置高齊改為高城縣隋開

皇十八年復為高城縣武德初屬蕪州貞觀二年改屬恒州

肥累故城縣西南七里春秋時肥子國白狄別種也

溇洳水去縣二十九里

九門縣上西至本戰國時趙邑漢於此置九門縣屬常山

郡高齊省隋開皇六年重置義旂初於此置九門郡後廢

以縣屬恒州

溇洳水在縣西九十里

溇水北去縣二十三里

靈壽縣中東至州八十五里本中山國都也案中山武公本周同姓

其後桓公不卹國政後樂羊為魏將投中山封之靈壽縣

於此置靈壽縣屬常山國後漢屬常山郡隋開皇三年改

屬恒州武德五年屬并州七年改

溇洳水在縣西南二十里

行唐縣上十四里南本趙南行唐邑惠文王初置漢因為

縣屬恒山郡後魏去南字為行唐縣開皇三年改屬恒州

皇朝因之

玉女山縣北三十六里

滌水去縣南二十里

井陘縣中五東南六國時趙地秦始皇十七年王剪興

兵攻趙韓信張耳東下井陘擒成安君即此是也陘山在

縣東南八十里四面高中尖下如井故曰井陘漢屬常山

郡隋開皇十六年於縣置井州大業二年廢縣屬恒州武

德元年重立井州貞觀十七年廢縣又屬恒州

綿蔓水在縣西南八十里韓信擊趙使萬人先行背水為

陣信曰陷之死地而後生謂此水也

獲鹿縣中東七至州五十里本漢白邑縣地晉常山郡隋開皇十

六年於此置鹿泉縣以鹿泉在漢縣南因為名屬井州大

業二年省義寧初重置還屬井州貞觀二年改名獲鹿

飛龍山在縣南四十五里前趙錄曰王浚遣將初弘率鮮

卑討石勒於飛龍山下勒大敗

葦山音今名抱犢山韓信伐趙使輕騎二千人人持一赤

幟從間道葦山而望後遂改為葦山後魏葛榮之亂百姓

固山抱犢而死故以為名又云抱犢者古有其名也即道

家謂之抱犢佐命是也名山記以為福地之數云可避兵

水也

井陘口今名土門口縣西南十里即太行八陘之第五陘也四面高中央下似井故名之韓信擊趙欲下井陘成安君陳餘聚兵井陘口號二十萬李左車說餘曰臣聞千里餽糧士有饑色今井陘之道車不得方軌騎不得成列行數百里其勢糧食必在後願足下假臣奇兵三萬從間道絕其輜重足下深溝高壘勿與戰彼前不得闢退不得還吾身且絕其後野無掠肉不至十日兩將之頭可致戲下成安君儒者不從故敗述征記曰其山首自河內有八陘井陘第五四面高中央似井故名之鹿泉出井陘曰南山下皇唐貴族有七門崔家為天下甲族今土門諸崔是

也源出博陵安平矣

石邑縣縣十五東北至州三十里本戰國時中山邑也史記趙武靈王攻中山取石邑是也漢於此置石邑縣屬常山郡後漢至隋不改皇朝因之

鹿泉水一名陘水南去縣十里

趙佗墓縣北十三里佗真定人僭號南越帝文帝為其先人置守冢昆弟在首存問之佗遂釋黃屋左纛而稱臣

房山縣

中東南至州八十里

本漢蒲吾縣地屬常山郡隋開皇十六

年置房山縣因縣北房山為名屬并州大業二年廢并州縣屬恒州武德四年入屬并州貞觀十七年又屬恒州其

城內實外險一名嘉陽城房山一名王母山在縣西北五
十里漢武帝北山上立祠今王母觀是也

蒲吾故城在縣東二十里

鼓城縣

中十二

西北

本春秋時鼓子國盖白狄別種也

又漢曲陽縣地左傳曰晉荀吳圍鼓以鼓子鳶歸漢改

曲陽屬鉅鹿郡隋開皇六年置晉陽縣十八年改為鼓城

縣屬鹿州大業九年改屬高陽郡貞觀九年屬定州大業

二年割入恒州

潯洩水在縣北十三里

魏收墓在縣北七里後魏北齊貴族諸魏皆此邑人也所

云鉅鹿曲陽人者是矣

後漢京觀在縣西南七里後漢皇甫嵩攻黃巾賊張角弟

寶於下曲陽首虜千餘人築為京觀

冀州

信都

開元戶九萬四千二百二十

元和戶八千九百六十七

禹貢冀州堯所都也虞及三代同為冀州地爾雅曰兩河

間曰冀州冀近也兩河之間其氣相近春秋時屬晉七國

時屬趙秦屬鉅郡漢高帝分趙鉅鹿立清河信都常山其

信都即今州理是也文帝又分立河間廣平二郡景帝改

信都為廣川郡後漢初王郎僭號河北悉應光武自荊南

行至下博失道有白頭公曰努力信都為長安守光武至

長樂郡隋開皇三年屬冀州皇朝因之

衡水亦曰長蘆水即濁漳水之下流也西北去縣六十二里

辟陽故城在縣東南三十五里審食其為辟陽侯

煮枣故城在縣東北五十里漢煮枣侯國城六國時於此

煮枣油後魏及齊以為故事每煮枣油即於此城

衡水縣上十八里南本漢桃縣之地隋開皇十六年於今

縣置衡水縣在長蘆河西長蘆河則衡漳故瀆也因以

為名

長蘆水縣南二百步

蘭相如臺在縣東北十二里

置武強縣屬武強郡高齊改屬長樂郡開皇三年改屬冀州貞觀元年改屬深州後屬冀州

武隧故城在縣東三十一里秦破趙將扈輒於武隧斬首十萬即此也

武強故城在縣西南二十五里漢將嚴不識以擊黠布功封武強侯後漢王梁為武強侯

秦強縣至州六十八里西北本漢舊縣屬清河郡高帝以留盼為秦強侯其地秦本強盛故曰秦強後魏屬長樂郡隋

開皇三年屬冀州皇朝因之縣外城即姚弋仲之故壘也

棘津故城在縣東北二十七里左傳曰晉荀吳師涉自棘津史記曰呂望東海人也老而無遇賣食棘津

堂陽縣上十七里東至本漢舊縣屬鉅鹿郡在堂水之陽

案長蘆水亦謂之堂水在縣南二百步縣因取名後漢屬

安平國高齊省隋開皇十六年重置屬冀州皇朝因之

阜城縣上十西南至本漢舊縣屬渤海郡後漢屬安平

國隋開皇九年改屬觀州大業二年復屬冀州武德四年

復屬觀州貞觀十七年廢觀州又隸冀州

符融壘在縣東北二十四里

深州上饒陽開元戶四萬二千二百十五元和戶一萬四千九十七

鄉七十五鄉五十

禹貢冀州之域七國時為趙地秦為鉅鹿郡地漢為饒陽縣地屬涿郡隋開皇十六年於饒陽置深州以州西故深城為名大業二年廢深州武德元年討平竇建德四年復置貞觀十七年又廢先天元年於今理重置

州境東西九十里

八到西南至上都取趙州路二千五百里

正西微北至恒州一百八十里

貢賦東北至瀛州一百四十五里

晉縣四陸澤鹿城饒陽安平

陸澤縣上十七郭下本饒陽鹿城二縣地先天元年因置州

割二縣置陸澤縣禹貢大陸既作此縣南三里即大陸之澤因名之

鹿城縣 上二十三至州二十五里 東本漢安定縣地屬鉅鹿郡隋開皇

三年於此置安定縣取漢舊名屬定州十八年改為鹿城取

縣東故鹿城為名改屬冀州貞觀元年改屬深州

衡漳水出縣十里

潯洹河水縣西北四十二里

大陸澤在縣南十里

饒陽縣 望三十四至州三十里 南本漢舊縣屬涿郡在饒河之陽隋開

皇三年改屬定州十六年屬深州大業二年省深州改屬

瀛州武德四年屬深州

潯洹河北去縣四十五里

州理城晉魯口城也公孫泉叛司馬宣王征之鑿潯洹入

泝水以運糧因築此城蓋潯洹池有魯池之名因號魯口後

魏道武皇始三年車駕幸魯口即此地也

蕪葦故城東北去縣三十五里隋縣也蓋因東北蕪葦亭為名

蕪葦亭在縣東北四十五里後漢先武曰蒞東南馳晨夜

至饒陽蕪葦亭識其馮異進豆粥光武曰得公孫豆粥飢

寒俱解公孫異字也

安平縣 上十八至州五十三里 東南本漢舊縣屬涿郡高帝以鄂千秋

為安平侯後漢屬博陵郡後魏以來博陵諸崔即此之邑人也隋開皇三年縣屬定州十六年改屬深州大業二年還屬定州武德四年又屬深州

派水今名礮河西定州義豐縣界流入

漚迤河在縣南二十三里

趙州趙郡 開元戶五萬一千四百三十 鄉九十九 趙州望 元和戶八千一百五 鄉一百十一

禹貢冀州之域春秋時屬晉戰國時屬趙秦為邯鄲郡地漢為常山郡平棘縣地又為趙國自兩漢及魏皆以封建子弟後魏明帝又於廣阿城置殷州高齊改殷州為趙州因趙國為名隋開皇十六年又於欒城縣置欒州大業二

年廢欒州以縣並屬趙州三年以趙州為趙郡武德元年

張志昂欒城歸國又改為趙州

州境 東西二百五十里 南北一百一十七里

八到 西南至上都一千八百九十里 正東至微南至冀州一百六十五里

北至恒州一百里 東至臺城縣七十里

從縣至定州一百二十里 西踰山至太原府五百六十里

貢賦 開元 平棘 元氏 臨城 栢鄉 高邑 管縣 九 絲 絹 絳 帛

贊皇 昭慶 寧晉 欒城

平棘縣 上十二 郭下 本春秋時晉棘蒲邑漢文帝三年濟

北王興居反遣棘蒲侯柴武擊之武帝時又有平棘侯薛澤為丞相蓋漢初為棘蒲後改為平棘也屬常山郡隋開皇二年改屬趙州十六年改屬藥州大業二年又屬趙州皇朝因之

斯渡水縣北三十五里

魏水一名白溝河南去縣二十五里

故桑城縣西北十六里春秋時晉邑

千萬壘縣南一里後漢安帝永初元年以御史任尚討羌無功檻車徵還羌遂入侵河內趙魏間百姓相驚北軍侯宋籠將五營兵屯孟津詔魏郡趙國常山等繕作塢壘六

百十處此即其一也

李左車薈縣西南七里

趙郡李氏舊宅在縣西南二十里即後漢魏以來山東舊族也亦謂之三巷李家云東祖居巷之東南祖居巷之南西祖居巷之西亦曰三祖宅巷也三祖李氏亦有地屬高邑縣

封斯村者李氏舊宅多在封斯

元氏縣上十七東南本趙公子元之封邑漢於此置元

氏縣屬常山郡西漢常山太守皆理於元氏後漢書帝紀云世祖光武皇帝建武四年光武北征彭寵陰后從行生

孝明帝於元氏傳人又云顯宗孝明皇帝永平五年冬十月行幸鄴與趙王相會鄴常山三老言於帝曰上生於元氏願蒙優復詔曰豈沛濟陽受命所由加恩報德遣其臣也其後元氏縣曰祖更賦六歲賜縣掾吏及門閭走卒錢又云肅宗孝章皇帝建初七年九月己酉幸鄴勞賜常山趙國吏人復元氏祖賦三歲元和三年二月戊辰進幸中山遣使者祠北岳出長城祭西還幸元氏祠光武顯宗於縣舍正堂明日又祠顯宗於始生堂皆奏樂復元氏之祖賦三月丙子詔復元氏七年徭役其西漢元氏縣在今縣西北十五里故城是也晉屬趙國高齊廢隋開皇六年又置

元氏縣屬趙州皇朝因之

飛龍山縣西北三十里前趙錄曰河瑞元年王浚使將初弘擊鮮卑務塵部十餘萬東討石勒戰於飛龍山勒師大敗

元氏故城在縣西北十五里即漢之舊縣也兩漢常山太守皆理於此城至隋末為劉黑闥所破其後移於今所

開業寺在縣西北十五里即後魏車騎大將軍陝定二州刺史尚書令司徒公趙郡李徽伯之舊宅也

臨城縣中八東北東北本戰國趙房子邑也漢以為縣屬常

山郡自漢至隋不改屬趙州皇朝因之天寶元年改名臨城以縣西南十里有古臨城因改名焉

泝水在縣南二里出白土細骨如膏以之濯綿色若霜雪如蜀綿之得江津也故俗稱房子之繡魏都賦曰織繡房子是

敦與山在縣西南七十里泝水所出

栢鄉縣上十二北至州六十一里本春秋時晉鄙音呼反邑之地漢以為

縣屬常山郡後漢光武即位於鄙南千秋亭五城陌因改曰高邑屬常山國高齊天保七年移高邑縣於漢房子縣東北界今高邑縣是也隋開皇十六年於漢鄙城南十八里改置栢鄉縣遂取古栢鄉縣以為名屬涼州大業二年改屬趙州皇朝因之

高邑故縣城在縣北二十二里本漢鄙縣也

漢世祖廟一名壇亭縣北十四里鄙縣故城南七里即世

祖即位之千秋亭也後於此立廟故後漢書帝紀云肅宗

孝章帝元和三月丙子詔高邑令祠光武於即位壇是也

高邑縣上東北至州五十五里本六國時趙房子邑之地漢以為縣

屬常山郡縣魏屬趙郡高齊天保七年移高邑縣於其縣城

東北十五里今縣是也隋開皇三年改屬趙州皇朝因之

房子故城在縣西南十五里本漢房子縣也

馮唐墓在縣東北二十八里趙人也

贊皇縣中五東北至州七十里本漢鄙邑縣之地屬常山郡隋開皇

六年於此置贊皇縣：南有贊皇山因以為名屬藁州大業二年改屬趙州皇朝因之

贊皇山縣東南二十六里穆天子傳曰至房子登贊皇山泝水在縣西南三十五里韓信斬陳餘處故李左車曰

陳餘軍敗於部下身死於泝水上是也

濟水源出贊皇山西北流去縣南十北自別是一濟水應劭以為四瀆誤也

百陵崗在縣東十里即趙郡李氏之別業於此崗下也崗上亦有李氏塋塚甚多

昭慶縣望十五里東本漢廣河縣屬鉅鹿郡後漢省後北至州九下里

魏別置廣河縣隋仁壽元年改為象城縣大業二年又改為大陸縣屬趙州武德四年復改為象城縣取縣西北古象城為名天寶元年改為昭慶縣

廣阿澤在縣東二十五里爾雅曰晉有大陸廣阿即大陸別名淮南子曰鉅鹿大陸廣阿咸一澤也

任敖墓一名七里邱在縣西四里高帝時為御史大夫封廣阿侯

皇十三代祖宣皇帝建六陵高四丈周迴八十丈

皇十二代祖光皇帝啟運陵高四丈週迴六十步二陵共

茔周迴一百五十六步在縣西南二十里

寧晉縣緊十二西北本春秋時晉楊氏邑漢以為縣屬
鉅鹿郡晉省後魏於此置慶遠縣屬南鉅鹿郡隋開皇六
年改為慶陶復漢舊名大業二年改屬趙州天寶元年改

為寧晉

樂城縣中十二東南至州三十九里

太和十一年於此置樂城縣取平棘縣舊棘城為名隋

屬樂州又改屬趙州皇朝因之

斯波水在縣西北二十里

德州平原開元戶六萬一千七百七十鄉一百十六
元和戶九千三百五十六鄉二十五

禹貢兗州之域春秋時屬齊戰國時亦為齊地秦兼天下

今州秦之齊郡漢分齊郡置平原郡後漢至晉平原為王
國封建子弟後魏文帝於今州置安德郡隋開皇三年改
為德州大業三年罷州為平原郡隋末陷賊武德四年討

平實建德復為德州

州境東西一百九十五里

八到西南至上都二千九十里

西南至東都一千七百九十里

正南渡河至齊州二百四十五里

正南至貝州二百三十里

西至冀州二百四十五里

貢賦開元賦貢絹綿

管縣七 安德 平原 平昌 將陵 安陵 蔣縣 長河

安德縣

縣二十八 郭下

本漢舊縣屬平原郡後魏屬安德郡隋

開皇三年廢郡改屬冀州九年改屬德州皇朝因之

黃河南去縣十八里

鬲津枯河在縣南七十里禹貢兗州九河既過鬲津即九

河之一鬲津至徒駭二百餘里今河雖移不離此域也

馬頰河縣南五十里

鹿角故關縣東南七十五里

平原縣

上十八里 東北至州四十六里

本原舊縣屬平原郡後漢屬平原

國後魏屬安德郡隋開皇三年罷郡屬冀州九年改屬德

州皇朝因之

黃河在縣南五十里

王莽枯河縣南五里

管輅祠縣西南一里

平昌縣

上二十三里 南至州八十里

本漢舊縣屬平原郡後漢屬平原

國隋開皇三年屬滄州十六年改屬德州皇朝因之

馬頰河在縣南十里久視元年開決又名新河

將陵縣

望二十里 南至州五里

本漢安德縣地屬平原郡隋開皇十六

年於此置將陵縣取安德縣界故城為名屬德州皇朝因之

鬲井枯河南去縣二十里

王莽柘河西去縣十里

安陵縣望二十里南本縣舊縣地晉立安陵縣屬渤海郡

本舊縣之安陵故以為名高齊省開皇六年重置屬冀州

九年立觀州縣屬焉皇朝因之貞觀十七年觀州廢縣割屬德州

舊縣上二十二里東南本縣條縣即條侯國也景帝封周

亞夫為條侯漢條縣屬信都國後漢屬渤海郡晉改條為

脩隋開皇三年廢渤海郡屬冀州五年改脩縣為舊縣屬

觀州皇朝武德初亦屬觀州貞觀十年觀州廢改屬德州

長河縣上十八里東本漢廣川縣地屬信都國後漢屬清

河國魏封裴秀廣川侯高齊省隋開皇六年復置屬冀州

九年改屬德州仁壽元年改廣川縣為長河縣皇朝因之

漳水河自貝州漳南縣流入在縣西二十三里

王莽柘河東去縣五里

永濟渠縣西十里

張公故關在縣東南七十五里

棣州樂安開元戶二萬五千五百四十五神四十八

禹貢青州之域春秋為齊地管子曰北至於無棣漢為十

乘國曹魏屬安樂國晉石苞為樂陵公是也隋開皇十七

年割滄州陽信縣置棣州大業二年廢入滄州武德四年

又置棣州六年又廢貞觀十七年又置移於厭次縣即今

州理是也天寶元年改為樂安郡乾元元年復為棣州

州境東西北一百四十九里

八到西南至上都二千二百九十里

西南至德州二百四十里

西南至滄州二百五十里

西南至東都四百二十里

西南至臨川二百十里

東南至青州三百二十里

東北至大海二百里

貢賦賦貢須十足

管縣七 厭次 渤海 陽信 蒲臺

厭次縣 上六 郭下 本漢富平縣屬平原郡後漢更名曰厭

次則厭次前已廢矣相傳以秦始皇東遊厭氣至碣石次

舍於此因名之高齊省隋開皇十六年重置武德初屬德

州貞觀十七年於此置棣州

黃河在縣南三里

滴河在縣南四十里

通海故關在縣西南四十里

滴河縣 上二十 東北 本漢初縣屬平原郡後漢省隋開皇

十六年於此置滴河縣因北有滴河以名之屬滄州貞觀

元年屬德州十七年改為棣州

黃河在縣南八十里

滴河在縣北十五里漢武帝鴻嘉四年河水汎溢為害河堤
都尉許昌鑿鹿河通海故以商字為名後人加水為
渤海縣 西至州 本漢蒲臺縣地垂拱四年分置渤海縣屬

棣州在州東一百十里天寶五年以土地鹹鹵貞觀而
移四十里就李印村置

大海在縣東一百六十里

陽信縣上十四里南本漢舊縣屬渤海即魏屬樂陵國後

魏置樂陵郡隋開皇三年罷郡屬滄州十六年於陽信縣

置棣州武德六年又置屬滄州貞觀十七年又割八棣州

鉤般河即九河之一經縣北四十里

蒲臺縣上十二里西北本漢溫沃縣地屬千乘國宋屬樂

陵郡隋開皇三年改屬滄州十六年改為蒲臺縣北有隋

臺因為名也隋末廢武德三年重屬八年改屬淄州貞觀

十七年置棣州割蒲臺屬焉

海在縣東一百四十里

海洋有一沙阜高一丈週迴二里俗人呼為關口渡是濟

水入海之處海潮無濟相觸故名今渡上有甘井可食海

潮雖大淀終不沒百姓於其下煮鹽

黃河西南去縣七十三里

蒲臺在縣北三十里秦白臺北其臺望海於其下紫蒲繫

焉今蒲生猶紫結

元和郡縣圖志卷第十八

河北道第三

易定節度使

定州

易州

滄景節度使

滄州

景州

定州

傳陵

開元戶六萬五千四百六十一
元和戶二萬七千八百三十二

鄉百三十四

今為易定節度理所

管州二

定州十縣

易州七縣

管縣十六

都管戶三萬六千四百二

禹貢冀州之域，亦堯帝始封唐國之地，春秋

之國左傳曰晉荀息侵鮮虞是也，戰國時為中山國，與六

國並稱王後為趙武靈王所滅中山之地方五百里秦兼天下今州蓋秦趙即銀鹿二郡之地漢高帝分趙銀鹿置常山中山二郡城中有小故曰中山景帝改為中山國封子勝為中山三成帝崩立中山孝王衍是為平帝後燕慕容垂備號建都於此仍置中山日後魏道武帝平慕容垂子寶為中山郡置安州又改為定州以安定天下為名也隋開皇元年以中字犯廟諱改中山郡鮮虞郡于大業三年改為博陵郡遂取漢博陵郡為名也九年又改為高陽郡隋末隋賊武德四年討平竇建德復置定州復開皇之舊名也天寶元年改為博陵郡乾元元年後為定州

州境東一百七十四里

八到 西南至上都二千八十五里

西南至東都一千二百二十五里

東北至蔚州四百七十里

東至瀛州二百里

東北至冀州二百五十里

貢賦 西南取藁城路至趙州一百九十五里

管縣十 安喜 新樂 義豐 唐縣 望都

北平 無極 陘邑 深澤 恒陽

安喜縣 望都 本漢盧奴縣屬中山國黑水故池在州城西

北去縣四里週迴百餘步深入不流俗謂水黑曰盧不流

曰奴因以名縣後燕慕容垂都中山故改盧奴為姑為縣

後魏平燕又改為盧奴高齊省盧奴移舊安喜縣於此屬
中山郡隋改為鮮虞縣武德四年復為安喜縣案安喜故
城在今縣東三十里本漢安險縣後漢改為安喜縣蜀志
曰先主嘗為安喜尉

漚水音古反一名唐河在縣北八里

長尾川南本縣八里

天井澤在縣東南四十七里週迴六十二里

新樂縣中東北至本春秋鮮虞國漢為新市縣之地隋開

皇十六年置新樂縣屬定州取新樂故城為名也新樂者

漢成帝時中山孝王母馮昭儀隨王就國王為建宮於樂

里在西鄉呼為西樂城時人語訛呼為西為新故為新樂
儀豐縣西南十三里後燕錄曰慕容麟與道武戰於儀臺
燕師敗績

木刀溝在縣東南二十四里溝傍人姓木名刀因為名

義豐縣州西至本漢安國縣之地屬中山國魏明帝追

封后父毛嘉為安國侯晉屬博陵國隋開皇六年改為義

豐縣屬定州皇朝因之

滏水俗名唐河縣北五里

泆水縣西二十五里

解瀆故城縣東北九里本漢解瀆亭靈帝襲爵解瀆亭

侯伯帝崩無子實武定册迎立即靈帝也

長林濟今名木刀溝經縣南三十三里

唐縣上東南至州五十里本春秋時鮮虞邑漢唐縣之地即古唐侯國堯

初封於此今定州北有故唐城是堯所封也漢唐縣屬中山國

高齊省入安喜縣隋開皇十六年重置屬定州皇朝因之

孤山蓋都山也東北五十四里

滏水一名唐水西去縣一百五十步

寡婦故城縣北九里後漢賈復追銅馬五幡賊於此築城

後人語訛轉呼為寡婦

八度故關縣西北二十里

倒馬故關在縣西北一百十三里以滏水東經倒馬關山

路險峭馬為之例因以為名

望都縣上西南至州五十里本漢望都屬中山國以堯山在北堯母

慶都山在南登先山見都山故以望都為名後魏屬北平

郡高齊省隋開皇六年復置屬定州皇朝因之

唐水在縣西南四十二里

陽城淀縣東南七里周迴三十里莞蒲菱芡靡所不生柳

宿城縣東南四十二里宣帝母王夫人微時泣宿於柳宿

城即此地也

堯祠縣南四十里

北平縣上西南至本秦曲逆縣地屬中山國陳平封曲逆侯後漢章帝巡岳以曲逆名不善改為蒲陰縣後魏孝明帝改名北平縣於今縣東北二十里置北平郡中山國之蒲陰望都北平三縣屬之高齊省北平郡及蒲陰縣以北平縣屬中山郡開皇三年屬定州皇朝因之萬歲通天二年契丹攻圍七旬不下故改為狗中縣尋復舊名

蒲陽山在縣西北四十里

濡水縣西北五里

安陽故關縣西北二十五里

無極縣上北至本漢無極縣屬中山國後魏太武省高

齊重置屬中山郡隋開皇三年改屬定州萬歲通天元年改母為無

潏池水南去縣三十五里

陘邑縣中北至本七國時中山國之苦陘邑漢苦陘縣

也李克為中山相苦陘之吏上計入多於前李克曰苦陘

無山林之饒而人多於前是擾亂吾人也遂免之吾屬中

山國章帝改為漢昌魏文帝改曰魏昌高齊省開皇十六

年改置隋昌縣屬德州武德四年改曰唐昌天寶元年改

曰陘邑

蕪頗臺在縣西南十九里慕容恪與冉閔戰於魏昌冉閔

大敗即此也

木刀溝在縣南二里

深澤縣

中西北至州九十里

本漢南深澤縣以涿鹿有深澤縣也故

此加南以別之屬中山國高齊省開皇六年分安平縣於

深澤河北重置深澤縣屬定州皇朝因之

深澤河縣南三十五里光武為赤眉所追至深澤欲渡導

吏還言水深無船左右懼上使王霸前瞻水霸恐驚眾乃

言可渡比至水合以囊沙布水上乃渡未畢數車冰陷分

名溝傍念處為危渡也

恒陽縣

上東至州二十里

本漢上曲陽縣屬常山郡後漢屬中山

國高齊天保七年除上字但為曲陽縣屬中山郡隋開皇

十年改曲陽為名邑縣其年移石邑於井陘縣屬恒州七

年於此置恒陽縣屬定州以在恒山之南因以為名

恒山在縣北一百四十里漢以避文帝諱改曰常山至周

武帝平齊復名恒山

長星冪在縣西北十七里

却壇縣東南十二里後燕慕容垂都中山置壇於此却崇

後燕故苑縣西南十五里

恒岳觀在縣南百步餘

真君廟在縣東北十里嘉禾山下

恒岳下廟在縣西四十步

北平軍在州西三里開元十年置

易州上谷 開元戶三萬七千六百二十七 鄉七十二

屬燕趙秦置三十六郡以為上谷郡漢分制涿郡今州則

漢涿郡故安縣之地隋開皇元年又屬易州因州南十三

里易水為名上谷郡遷取漢上谷以為名隋亂隋賊武德

四年又改為易州高陽軍在州城內開元二十年置

州境 東西二百十里 南北四百七十里

八到 西南至上都二千三百四十五里

西南至東都一千四百七十五里

東北至幽州二百十里

北至薊州取故城頭路四百里

東至薊州一百九十里

西北至蔚州取虎孤路三百六十里

貢賦 開元 賦 絹 絁 綿 絲

管縣 易縣 涑水 容城 遂城 蒲城 五迴

易縣 上郡本漢改安縣屬涿郡文帝以申屠嘉為故安侯

隋開皇十六年於漢故城西北隅置易縣故城即縣之南

即迴迴約三十里

孔山在縣西南四十五里有鍾乳穴深涑水自蔚州飛狐縣

流入

易水一名故安河出縣西寬容中周官曰并州其寢洙易燕太子丹逆荆軻易水上即此水也

武陽故城在縣東南七里故燕之下郡

范陽故城秦范陽縣也在東南六十二里在范水之陽故

蒯通說武信君使賜范陽今侯即趙地聞之不戰而下者

四十餘城

契於期故城縣西十三里於期授首荆軻處

涿水縣上西南本漢道縣暗子屬涿郡因省入涿縣

隋開皇元年又於此置范陽縣逆取漢范陽為多十年又

改為永陽縣屬幽州十六年改屬易州十六年以重名改

涿水縣縣近涿為名

涿水一名巨馬河東北二里袁紹將崔巨業改固安不下

公孫瓚擊破之於水死者六七十人即此水也

石泉故城縣西北三十里在衆山之內平山之中四周絕

澗壁五五丈水不周露路不容轍

容城縣上西北至本漢舊縣屬涿郡高齊省入范陽縣

開皇元年改屬道縣天寶元年改為容城復漢舊名

遂城縣上北至本漢北新城縣屬涿郡後魏除北字尋

又省隋開皇三年移後魏新昌於此屬易州十六年又改

新昌縣為遂城按縣城即戰國時武遂城也趙將李牧攻

燕拔武遂方城即此也後魏孝武帝永熙二年以韓瓚為
營州刺史行達此城值盧肅構逆就置南營州以瓚為刺
史所部三千餘人並雄武冠時因號英雄城

蒲城縣中東北至本漢北平縣屬中山國高祖以張蒼

為北平侯後漢世祖追銅馬五幡賊於北平破之即此後

魏於此置永樂縣天寶元年改為蒲城縣以縣北故蒲城

為名

五迴嶺在縣西北五十里高四十許里建安元年魏太祖

表封公孫度為永寧鄉侯度曰我天遼東何永寧也

五迴縣中下東至本漢北平縣地開元二十三年刺史盧

暉奏置在五迴山東麓同名之二十四年刺史曰琬以其

險隘東遷於五公城在今易縣西五十里

滄州景城開元戶九萬八千五百五十七
元和戶九千五百一十四
鄉一百七十九
鄉三十九

今為滄景節度理所

營州二 滄州縣 景州縣

管縣十二

禹貢冀州之域後魏孝明帝熙平二年分瀛州冀州置滄

州以滄海為名大業二年罷州為渤海郡武德元年改為

滄州二年隋竇建德四年討平建德州仍舊

州境東西三百一十二里
南北四百五里

西南至上都二百二十里
 西南至東都一百三十里
 西南至景州一百二十里
 東南至棗州二百五十里
 西北至幽州五百五十里
 西南至德州二百四十里
 東至大海一百八十里

貢賦 開元

賦 貢

松柏

菁蓆

糖蟹

蠶絲

管轄七

清池 長蘆

魯城

崑山

饒安

樂陵

無棣

清池縣

望亦本漢浮陽縣屬渤海郡在浮水之陽後魏屬

滄州隋開皇八年改為清池縣以縣東有清池因為名

池在縣東一里

作清池在縣東南十五里

長蘆縣

上東南至州本漢參戶縣地周大象二年於此置

長蘆縣屬章武郡水經云長蘆水名也水傍多蘆葦因以

為名隋開皇屬瀛州貞觀後故屬滄州

參戶故城一名木門城在縣西北四十里

薩摩波在縣北十五里周迴五里有捕魚之利

魯城縣

州一南至本漢章武縣屬渤海郡有監官高齊省

隋開皇十六年於此置魯城縣

大海在縣東九十里

平魯渠在郭內魏武伐北匈奴開之

鹽山縣州上西至本春秋時齊無棣邑也管仲曰北至於無棣漢於此置高城縣屬渤海郡武帝以平津鄉討公孫弘即此縣鄉也隋開皇十八年改為鹽山縣

鹽山在縣東南八十里

饒安縣

北平州北十里

本漢千童縣即秦千童城始皇遣徐福將

童男女千人入海求蓬萊至於城以居之故號漢以為縣

屬渤海郡靈帝置饒安縣以其地豐饒可以安人後魏屬

滄州隋不改

胡蘄河在縣西五十里

無棣河在縣南二十里

樂陵縣

上北至州百三十五里

本燕將樂毅攻齊所築漢以為縣屬

平原郡即漢大司馬史高所封之邑後魏屬樂陵郡隋開

皇三年罷郡屬滄州

重合故城縣東二百步漢重合縣武帝封蒼通為重合侯

無棣縣

州上西北至百二十里

本春秋時齊之四履北至之地在漢

為信陽縣地隋開皇六年割信陽饒安置無棣縣以南臨

無棣溝因以為名屬滄州

橫海軍在州城西南開元十四年置

景州

上元和戶五千二十五

鄉十五

本漢景城縣屬渤海郡隋開皇三年罷郡屬滄州十六年

又於長盧縣置景州大業二年廢武德四年重置貞觀元
年廢以所屬縣分入滄州貞元二年於弓高縣重置

州境

八到

東南西北
西南至上都二千一百里
西南至東都一千二百四十里
西南至冀州二百二十里
東北至滄州二百二十里
南至德州二百二十里
北至瀛州一百四十里

貢賦

與滄州同

管縣五 弓高 南皮 景城 東光 臨津

以後闕文

